



復師縣志

ル 5
3143
9



門 儿 5
3143
卷 9

師縣志卷三十一

昭和十四年
六月廿六日
購求

翰林院編修孫星衍

同纂

偃師縣知縣湯毓倬

列女傳

以下二名查縣案冊載

滑克儉妻傅氏年二十四歲夫歿冰操目矢奉舅姑盡
孝撫二子皆成名尤好施與睦族黨乾隆四十七年
旌表

曹善化妻朱氏乾隆四十八年三月有族子枉豔氏色
鬪其夫趕集氏獨處室中潛入強擁欲污之氏以死拒

詭呼聲徹戶外隣姑奔救柱驚遁氏恚恨悲泣不食乘
間投繯死請
旨旌表柱伏法

以下新採訪事實

任氏三節任天本妻王氏二十四歲夫亡矢志守節取
兄天篤之子玉良爲嗣任玉懷妻李氏二十一歲夫亡
矢志守節國取玉重元配曲氏子宗寬爲嗣任玉重妻
張氏二十二歲夫亡矢志守節視前妻子宗敬如已出
任氏九世同居家範嚴肅婦女期望講孝經內則禮教
自持三節表裏兼備

國家風化之盛云

林氏三節林應會妻聶氏二十二歲夫亡遺子貴玉五
歲氏撫育成人娶妻王氏年二十二貴玉亡王勸子天
才成人娶妻戴氏年十九天才又亡戴完志守節今已
三十七年

丁氏三節丁六德妻段氏年二十四夫歿撫子傑成立
十八歲爲娶楊氏閱三年而傑亡楊欲以身殉姑垂涕
而止取侄成祥爲嗣娶姬氏不數年成祥又亡遺子二
鞠養成成人楊氏今五十八歲姬守節三十二年

董氏三節董榜妻黃氏董朴妻韓氏黃二十四歲韓二

十七歲相繼稱未亡人楊遺孫定林甫三月娣姒同心
守節爲定林娶婦黃氏定林又歿遺腹子長路黃亦矢志鞠孤家貧歲荒姑婦三人篝燈相對紡織度日菜根糠粃晏然自如焉

齊氏雙節齊有仁妻趙氏年二十七歲夫歿遺子思賢聘高氏二十三歲思賢又歿遺子來福趙泣謂高曰齊門一脉繫我姑婦二人之身高氏泣曰敬從姑命嚴訓來福成立趙氏壽八十歲守節五十三年高氏現年五十九歲守節三十六年

張氏雙節張玉宗妻李氏十五于歸數月夫歿守節三十一年現年四十六歲張文宗妻岳氏十八于歸十九夫歿守節三十一年現年五十歲

郭氏雙節郭雲祥妻杜氏郭考祥妻張氏娣姒也其舅正已姑石氏因二子俱亡哭泣幾喪明兩氏誓志事親承歡膝下壽俱八旬杜氏寡時年二十八子二齡張氏寡時年二十女一週娣姒雍睦交相鞠育守節俱三十九年

張氏雙節張良知妻李氏年二十七歲夫故遺子其瑞氏晝夜績紡百方鞠養守節四十年爲子娶婦褚氏十九歲夫歿氏執婦道盡心願養取侄有泉爲嗣破屋妻

其二孀啜泣貞操共勵壽至七十二而歿乾隆十七年
鄉人爲泐碑通衢觀者流涕

劉氏雙節劉東助妻段氏二十七歲夫歿弟東岳妻段
氏二十五夫亦歿姊妹姊妹同勵冰操互相敬讓三十
載無間言共撫宮蘭爲嗣一守節三十一年一守節三十
十年

蕭氏雙節蕭象芬妻史氏二十七歲夫故遺孤印章甫
二歲氏甘荼苦勤拮据持爲印章娶楊氏年二十二印章
又歿爲立嗣史氏守節五十年楊氏守節三十一年

師氏雙節師學儒妻張氏二十三歲夫歿以兄子極爲

嗣爲妾婦李氏二十二極又歿姑婦相依一室互勵冰

霜婦守志二十年亦歿氏又取萬年爲嗣孫撫之成立

張氏雙節太學生張丕基妻郭氏二十七夫故遺子雙

福氏竭力撫養娶婦章氏甫二載雙福又故姑媳兢兢

相倚慈孝並篤縣令旌其門氏又爲婦擇嗣承祧至

八十二歲完節章氏至七十九歲完節

師氏雙節監生師檀妻張氏二十五歲夫歿遺子含章

二歲守節撫孤十七年爲含章聘李氏未三年含章又

亡李氏二十一歲無子以堂弟子承宗爲嗣各凜冰操

訓承宗入庠學使邵洪旌其門

徐氏雙節徐宗堯妻王氏二十四歲夫歿遺孤汝良足病斃氏紡績撫養為娶妻魏氏二十八歲汝良亦亡遺孤友善氏上事姑以孝下撫友善成立魏氏現年六十八歲守節四十年王氏守節五十八年壽八十二終

何氏雙節何廷弼妻楊氏二十六歲夫故立嗣崙守節十五年為崙娶婦張氏二十四歲崙故撫孤夢學為嗣方五歲守節三十年始婦兩世嫗孀冰操愈厲

張氏雙節張福顯妻李氏二十四歲夫歿撫孤子璉成立娶婦李氏未三歲璉又歿婦事姑至孝以弟璩之子為嗣如婦鞠養成立

郭氏雙節儒童袁梁妻李氏二十五歲夫故無子取弟鵬翔為嗣為娶周氏生子文若未踰年鵬翔亡周氏剪髮自誓願奉老姑撫弱子之死靡他李氏現年七十二歲

張氏雙節張天祐妻章氏二十五歲夫歿孝老姑撫弱息洛洛妻曹氏年十九而寡與姑章鞠養遺孤成立章守節五十三年現年七十八歲曹守節三十一年現年五十一歲

郭氏雙節郭文元妻韓氏二十四歲夫亡撫子繼聖成立娶妻陳氏年二十五歲夫亡子鏞甫五月上奉孀姑

下抱幼子乾隆十六年邑令楊發智旌其門韓氏六十
九卒陳氏七十五卒

張氏雙節庠生張思全妻呂氏二十九夫故氏矢志撫
孤宗齡成立爲妻婦王氏宗齡旋故婦亦交厲冰心時
孤來朝甫三歲兩世嫗孀撫之成立貞操克完邑令楊
發智旌其門卒年九十一歲

武氏雙節武令植妻董氏年二十九歲夫歿姑衰子式
金幼家無宿儲賴氏紡績以給娶婦王氏式金又亡婦
剪髮自誓與姑同事祖姑嫗孀相對菽水怡然出其極
端舉喪葬大事撫孤福賢成名董八十一卒至現年

七十九歲

董福林妻史氏十八歲于歸三年福林死遺女雛甫八
月父母憐氏少寡欲奪其志氏捶胸仰號曰天乎吾夫
骨肉未寒而欲吾改節以污吾夫地下乎家人見氏性
烈防其死而氏陽爲歡顏一日赴地摘豆過杏園深溝
險處乘女伴不意奮身投溝中折臂以死時乾隆四十
年八月十七日事族人聞者爲泣下令姪全德承祧給
以地使奉祭祀守墳墓焉

潘尙德妻楊氏旣受聘而尙德病癢目雙瞽腰足痿不
能起兩家議毀婚氏堅不受命遂于歸時年十七朝夕

扶掖病婿辛苦污穢無憚三年尙德歿氏哀毀骨立而侍老姑輒作笑容姑憐之每婉詞探其意氏卽不語遂不敢出口爲擇族子嗣之家貧婁氏勤織紉供甘旨考二十年姑踰八十乃卒氏今五十七

武舉徐永康妻鄭氏二十六年暴漲城爲巨浸氏與母及幼女登樓避水母有衣囊忘樓下往取之水衝梯去溺焉氏急投水救母共溺死氏幼女奮呼擲水中亦歿數日後水落里人見三屍牽袂環抱固結咸爲感泣貞女牛氏牛宿衍女也許字王慙未嫁其夫久出無踪女年十九歲大饑父母俱死兄欲爲改醮女以死誓依

叔父家以居私告叔母曰兒與王家盟義不再適今子雖流宕他鄉父母年老無依願代事親以待其歸歸語之令迎我姑聞其言喜往視之女躍然欲隨姑去兄怒不允女號泣終夜次日投壑死

無名氏女乾隆二十六年洛河暴漲衝城女不知何村漂至城內大樹上居民郭平張仁適撐小筏救人望見急以筏來救女遙見二人皆躑躅急呼勿近前水湧筏已止樹女羞憤躍入湍浪中立斃屍流城外無存二人爲人述其事猶嗟嘆焉

壽婦馬世重妻李氏夫八十四歲故今氏現年一百零

四歲耳目聰明康彊健飭子登都已七十一歲洵
聖朝人瑞

張得中妻武氏年二十三歲夫歿家貧氏紡績奉祖母
與翁俱以壽終現年六十八歲猶奉老姑朝夕罔懈
儒童牛建儒妻趙氏性穎慧通經籍自著牛氏家箴以
教其族年二十二夫故遺孤印潭氏紡績鞠養成立自
訓印潭窮經作文慈嚴備至得入庠守節三十餘年

趙楫妻姬氏二十六歲夫歿姑衰老翁體不仁氏勤奉
湯藥每食必以柔甘進或不給輒易己奩無怨聲殯葬
盡禮觀瞻者交贊邑令汪瞻祀旌其門守節五十三年

現年八十三歲

曲博妻史氏二十二歲夫歿矢志守節奉姑以色養殯
葬盡禮撫夫姪一蘭為嗣訓以義方得補弟子員

袁峻德妻張氏二十歲夫歿事祖姑及舅姑俱以孝聞
連舉三喪撫孤成立守節三十四年現年六十歲

生員趙履元繼妻袁氏二十五歲夫故舅憂鬱成疾氏
奉湯藥三十餘年如一日撫前妻所出思顏娶妻授室

一如已出守節五十一年卒

呂君慶妻劉氏十九歲夫歿遺腹生子逢霖家貧矢志
操奉舅姑撫孤成立現年六十八歲守節四十九年

何山集元 卷二十一
八
与君正妻戚氏二十二歲夫故遺腹子恭矢志不渝撫
之成立現年六十八歲守節四十六年

劉澤潤妻王氏二十歲夫歿矢志撫子成立年五十八
卒守節三十八年

徐潢繼妻都氏十七于歸夫潢病革氏奉湯藥五月夫
故無子翁姑老惇獨靡依撫繼正丙成立正丙卒又爲
立繼子用鞠育兩世現年六十四歲守節四十七年

李復成妻李氏二十四歲夫歿清操自誓守夫墳墓以
終天年守節四十三年而死

李宗韶妻陳氏二十三歲夫歿家無斗筲饑饉常不
氏慈苦守志撫一子及長棄母游蕩氏訓之僕忤益甚
氏知終不可化又貧不能再謀繼廼獨居紡績易米以
延殘喘歲大饑鄉里皆逃亡氏嘗數日不得食嘆曰吾
四十五年未亡人可以見夫地下矣乃絕吭而死好義
者憐之爲醵錢買棺以葬焉

李宮珣妻武氏年二十二歲夫故氏貞操自矢邑類年
荒歉氏率繼子振疆灌園治畦以供滫瀡翁患廢疾氏
就養無方織悉如意守節三十年歿

武宗政妻李氏十七于歸不數年夫歿子鏡幼時氏曾
祖母祖母舅姑皆在堂氏以弱婦代子孫責身爲三世

倚賴勁節至老不懈現年七十二歲

趙履端妻吳氏二十四歲夫故子甫三歲翁亦故氏冰操凌厲織紡度日事老姑撫弱雛屢遭奇荒備嬰荼毒現年八十五歲撫子士禮成立邑令李學沆旌其門

石慶篤妻姬氏年二十七歲夫歿撫孤成威成立性柔順而節操剛厲乾隆三十三年卒守節三十一年

王銅妻郭氏二十八歲夫故家無次丁於舅姑大事以一身任之撫幼子度昂度海成立守節四十七年

劉整妻朱氏二十三歲夫故姑嬰廢疾支離床褥氏奉事十餘年撫孤成立邑令李學沆旌其門今七十五歲

王相妻劉氏二十夫歿姑老子幼隻手經營甘旨

欽氏現今六十三歲守節四十三年撫子際運成立

朱國光妻袁氏年五十一夫故孤良貴甫三歲舅姑繼逝氏經營殯葬鞠孤成立子媳又亡氏紡績育養二孫苦節三十四年而卒

王仁安妻李氏年二十五歲夫歿僅遺一女破屋山田糲粥不給氏勤勞紡績上奉翁姑下撫弱女以侄維模之次孫爲嗣現年五十六歲

王縉妻甯氏二十三歲夫歿姑嫜垂老一女弱齡氏晝夜紡績仰事俯育取侄度潤爲嗣七十三歲卒

宋大梁妻化氏于歸時二十夫歿矢志靡他遺孤數年
又天以侄五倫為嗣持家益謹六十八歲卒

王維榛妻張氏十九歲夫歿家無二彌矢志冰堅事尊
章供菽水以功燒為闕訓以孝方邑令王垂緒旌其門
享年五十七歲卒

化逃妻丁氏篤孝姑病危忽思肉食甚急氏潛割股生
供姑尋愈姑歿翁又病迫不起氏復割股奉之病亦痊

愚孝出於血性邑令朱續志旌其門壽八十二歲而卒
齊大勇妻李氏年二十三歲夫歿翁姑俱老氏晝夜
紡竭力奉養守節三十七年乾隆五十一年卒

齊大生妻王氏年二十七夫故一孤尚幼二彌維艱氏
以女紅所獲奉親育子守節五十四年乾隆五十年卒

劉宏義妻丁氏年十四于歸善事翁姑越六載姑亡遺
子體信僅數月氏乳養成人後入為縣學生尋遭夫故

值家貧氏以績紡所獲葬雙親不失禮現年八十六歲
生員呂貴祚妻袁氏二十五歲夫故繼姑袁老子幼家

貧歲歉氏孝親撫孤成立年六十六歲守節四十一年
儒童呂楫妻馬氏二十九歲夫歿家貧姑老氏志貞操

以績紡奉親教子嚴不少姑息三子皆成立現年七十
二歲守節四十三年

生員呂榮妻畢氏年二十七夫歿事姑克孝持家克儉
遇事識大體乾隆二十六年洛水衝城居民皆驚避氏
獨留人私計必護惜服飾及氏至取所挾視之乃氏舅
木主與其舅文集也現年六十六歲守節三十九年
張爾誠妻楊氏二十五歲夫歿遺子六歲氏善於撫養
義方曲盡後氏子果繼厥緒焉守節七十歲而卒
王士俊妻張氏二十三歲夫歿矢志靡他姑與母俱病
甚氏知大義先事姑瘳而後奉母俱獲安吉取秉瑞爲
嗣守節三十年現年五十三歲

趙麟兆繼妻李氏二十八歲夫亡期年姑亡氏事舅及

祖舅姑至孝姑遺五子俱幼氏爲經營婚娶一家五十

餘口同居三十載惟氏一身摺持無嗣取胞姪世澧承

繼乙未入庠守節四十二年卒邑令顧世秘旌其門

生員呂慶壽妻智氏慶壽父榮郡庠生弟積慶孝廉奮

功名不遂資志以歿時氏年二十五痛夫亡子幼矢志

靡他事翁姑盡內則繼姑多病事之一如姑教子全中

督責如嚴師補弟子員

全焯妻孫氏年十八夫歿舅姑痛傷幾死氏內懷哀戚

外示承順竭力侍奉能得親歡舅歿與姑朝夕相依毀

容蔬食足跡不踰闔撫五歲堂姪正已爲嗣多病氏日

傳聞縣志 卷二十一 三
方調護始得成立現年五十一歲守節三十二年

童生呂繁妻劉氏年二十夫歿姑老女幼以家貧無產
恐缺供養迺爲族中佐女紅每得異物卽供諸姑不敢
私蓄取姪爲嗣現年五十三歲守節三十三載

李復申妻劉氏二十四歲夫故矢志冰蘖舅姑皆衰邁
朝夕紡績供甘旨歿殯葬經營盡禮撫子全忠成立教
以勤儉如嚴父守節四十四年歿

王夢龍妻李氏二十四夫故勵清操勤女紅豐以膳親
退甘糲糲不使親聞撫一歲幼子存義成立孫元純
皆稟教訓守節四十二年卒

田水慶妻劉氏年二十九夫歿奉事舅姑益謹舅歿
葬皆中禮儀乾隆二十六年伊洛交溢城郭傾圮負
携幼以出得免於難年六十四守節三十六年

趙含華妻丁氏二十二歲夫歿冰霜自矢事舅姑盡孝
殯葬合禮撫繼嗣際康成立因家貧命習醫以供饋粥
守節三十五年卒

張兆鵬妻李氏十七于歸夫受傭於人績紡織紝孝養
翁姑閱八載夫病草語氏曰我病必死及在日爲爾擇
有衣食者嫁之氏泣曰君死妾豈獨生夫亡氏經營葬
畢四日不食投井死時年二十五歲

儒童劉振邦妻李氏二十四歲夫歿家貧晝夜績紡土奉孀姑下撫穉子守節五十二年壽七十六歲卒

童生喬文耀妻田氏二十一歲夫故氏奉親撫幼慈孝克著卒年八十三歲

生員趙世寧繼妻姬氏十九夫歿事舅姑備孝栢舟自矢以堂姪際庚爲嗣教課甚嚴得人庠現年五十歲守節三十一載

高松妻王氏二十二歲夫歿矢志靡他孝事孀姑經營殮葬姑遺有二子氏辛勤撫養紡績度日糟糠不厭二叔成立現年五十五歲

童楊鳳妻李氏二十三歲夫故舅姑在堂終日傷悼氏以鞠養孤孫相慰服勤奉侍倍於曩時子永魁成立爲子取婦生孫克繩家教現年五十二歲

閔鈞妻段氏二十五歲夫歿姑有足疾氏扶擁而行又病厄羸氏以乳奉姑迺痊素峻厲寡言笑而與伯叔已析之產能聯屬合獎勸子姪以雍睦訓孤子旺植成名現年六十五歲守節四十年

武生王定國妻郭氏二十五歲夫歿氏搏膺欲殉爲姑所持厲志自守事姑盡孝姑王氏於乾隆二十一年捐銀煮糜者三載邑令顧世璠旌其門苦節二十餘年

張素聞妻李氏二十四歲夫故無子家貧氏矢志守節
舅姑年老曲體歡心及歿經營殯殮悉中禮制又取繼
承祧現年五十九歲縣令錢玉琳旌其門

武兆麟繼室呂氏二十六歲夫歿前妻李氏遺子庚辛
生而癯怯翁姑憐之氏曲體親心撫養成立若已出奉
親罔懈以孝稱守節三十五年卒

趙麟呈妻郭氏二十二歲夫歿氏堅志靡他事舅姑盡
孝歿殯葬中禮二子言坊言揚紡績以教言揚丁亥入
庠守節四十一年而卒

增生王維權妻蕭氏年十八于歸維權諸生薦而不仕

志以歿氏年二十八傷痛次骨誓志奉親勤理家務

舅姑憐之每欲分其責氏跪泣曰願如夫在時延師教

子功斫入庠食餼氏六十七歲卒守節三十九年

武偉妻齊氏年二十九夫歿殯葬盡禮守志四十餘年

教子慈以兼嚴曾衍恩貢生孫常縣學生

蕭象蘭妻張氏十九歲夫故孤甫二歲氏冰霜自矢辛

苦備嘗守節三十年

史獻瑤妻馬氏二十四歲夫故矢志不二撫孤洪芳教

子入太學守節六十一年邑令耀德旌其門

徐健妻楊氏二十六歲夫故氏冰操自誓撫孤名金湯

教課有法得入庠守節五十八年

魏良傑妻薛氏二十三歲夫故撫孤希堯備嘗荼苦守節三十七年

張峩妻路氏二十四歲夫故矢志不二奉養尊章撫嗣龍光嚴於訓課得入庠守節三十二年

張欽妻陸氏二十五歲夫歿孤玉堂方幼伶仃悽憫鞠育卒渚方得成立守節三十五年

王天顯妻齊氏二十一歲夫歿撫孤廷奏紡績箴紉支搭門戶守節五十一年

史得祥妻蕭氏二十五歲夫歿遺孤貴辰四壁蕭然貧茹苦鞠養教誨慈嚴兼盡得入庠守節三十一年

徐德妻李氏二十六歲夫歿遺孤長福方在襁褓氏劬勞醫閔撫之成立守節三十年

徐楷妻柳氏二十三歲夫歿舅姑衰耄氏一人獨仔養膳殯葬之事撫嗣成立守節四十一年

徐峒妻侯氏二十七歲夫歿誓不改適嘗茶茹蘗含之如飴撫孤合福成名守節三十四年卒

王禮妻翟氏二十四歲夫歿孤愛方五歲熒獨靡依堅志撫養成人守節二十五年

徐伸妻邵氏二十七歲夫歿清志堅操始終如一撫孤

天保克成家室守節五十一年

儒童師銑妻孫氏年二十三夫故姑老無子氏堅心守節取堂姪憲章承嗣及姑死殯葬畢子亦成立氏曰吾事畢矣絕粒而死

韓慎行妻曲氏年二十八歲夫故無子氏取侄鳳兆爲嗣立志守節勤儉持家義方訓子鳳兆成名卒年六十有五

陳祥妻趙氏二十九歲夫故遺子八歲家貧氏晝夜紡績教子成立訓導白從南旌其門卒年八十有五
李世倫妻溫氏年二十夫故閱數月生遺腹子家貧貧

荒伯叔各流亡他鄉氏獨抱嬰兒家居晝夜紡績艱苦備嘗有勸其改嫁者氏厲聲應曰婦人之義從一而終若更二夫是禽獸行也奈何勸我爲之勸者愧服現年五十一歲現節已三十一年

張士勃妻王氏巡撫其平元孫婦也夫歿甫二十歲奉翁姑克盡孝養無子取侄世昌承繼貞靜幽雅鄉黨皆以賢惠稱守節五十三年而卒

閻檀妻韓氏二十一歲夫歿家貧姑性卞急委曲承奉姑卒葬畢日不舉火兄韓學詩迎至家另置一院月供給氏晝夜紡績教子讀書子亡撫孫苦節五十九年

郝士秀妻孫氏二十一歲夫歿上無翁姑下無遺子家
又貧甚取堂姪望麟繼嗣合葬翁姑夫主歸坐晝夜紡
織閉戶不出已三十餘年

武治承妻黃氏二十九夫歿遺子觀廷孝養翁姑義方
訓子守節三十二年卒

姬筆迹妻李氏年二十五夫歿遺子二氏織紡訓養各
成立守節四十二年卒

張永桂妻王氏二十五歲夫故矢志堅守勤織紡養二
親曲盡孝道撫子成立現年五十九歲

李君檀妻曹氏年十八于歸三載檀卒越六月生子書
應時親老子弱家無成丁氏苦心經營事翁姑以孝聞

書魁成名現年七十六歲

太學生銖璠繼室姬氏年二十八夫故氏撫前妻子女
若已出勤儉持家事翁姑孝教子義方守節四十七年
李璠妻王氏二十五歲夫故忍苦矢志無子取胞侄太
學生法聖為嗣六十六歲卒

趙閣妻張氏十八歲夫故家貧以織紉養舅姑躬甘荼
苦翁姑歿遺妹五歲弟二歲氏竭力撫養成立婚嫁盡
禮以弟之子六丙為嗣年七十八歲終守節六十年

童生趙治妻楊氏二十三歲夫歿撫堂姪文翰為嗣事

舅姑盡孝殯葬中禮守節五十三年現年七十六歲
庠生趙萬秋妻宮氏二十八歲夫故撫子來旺成名備嘗
艱苦終始不渝

儒童張瑾妻許氏二十歲夫故遺孤士樸氏奉翁姑葬
祭盡禮教子督課甚嚴得入庠守節三十九年

儒童張永年妻白氏二十歲夫故以兄子為嗣孀姑多
病氏奉色養二十四年如一日撫孤艱苦備嘗成名守
節四十三年現年六十三歲

儒童張麟書妻李氏年十九歲夫故以死誓紡績度日
撫夫幼弟成立入庠為弟娶妻生子為嗣孝舅姑奉事

湯某衣不解帶殯葬盡禮守節二十四年現年五十三
歲

儒童趙世卿妻褚氏十七歲夫歿艱志守節依伯母以
居撫姪為嗣事伯母如翁姑纖悉必謹伯與母繼歿殯葬
合禮現年五十歲守節三十三年

監生趙大彬妻張氏年十九歲夫歿翁姑繼歿大事皆
氏一人經營撫孤成立守節三十二年現年五十一歲
王天敬妻師氏二十四歲夫故孤未及五月第五歲禮
母年八十歲伶仃惻獨人所難堪氏奉養祖母撫孤兩
世守節六十一年八十四歲卒

盧宗思妻張氏二十二歲夫故子鍊方二歲矢志撫養
孑身奉養舅姑絕無難色舅姑繼逝氏獨任大事現年
六十四歲守節四十二年

孫可義妻鄭氏年十九歲夫故子孫蘭方一歲矢志守
節事親盡孝教子有方後子孫蘭克入成均卒時六十
九歲守節五十一年

李夢賢妻薛氏年十八歲夫故念舅姑尚在遺孤克猷
方歲餘刻志勵行養老撫幼屹然稱完人七十四歲卒
李希閔妻程氏二十二歲夫歿家計艱窘勁節自矢取
夫姪懷瑾爲嗣紡績教養成立現年五十七歲

魏德妻周氏二十六歲夫故遺孤齊金聲方三歲雙
親衰老奉養無缺撫孤成立現年六十九歲

王作信妻李氏二十六歲夫故無子翁姑老病氏奉養
盡孝葬祭無缺禮取夫姪希聖爲嗣立入成均
現年五十六歲

晉桐妻宋氏二十八歲夫故遺孤方七歲家中落氏勤
儉操持養老撫孤辛勤學畫家業頗昌年七十二歲
趙允祥妻戴氏十九歲夫故姑郭氏年邁遺孤方幼氏
孝慈兼至苦節四十四歲勞瘁以死

王保定妻楊氏二十五歲夫故遺二孤紡績度日撫孤

成立現年五十五歲

康炎妻薛氏十九夫故遺一女方八月伶仃孤苦冰節愈堅取姪復祥爲嗣五十歲卒

王思妻馬氏二十三歲夫故遺子孤二氏事姑廬氏色養備至撫二孤成立六十歲卒

孫燦妻王氏二十四歲夫故遺子二姑秦氏年邁家貧紡績度日撫孤養親現年五十四歲

張廷禮妻李氏二十六歲夫故姑馬氏垂暮竭力奉侍撫孤效孔成立守節四十四年

孫天謨妻崔氏二十二歲夫故安貧守志績紡奉親撫孤

王懷禹妻晉氏二十歲夫故奉侍姑王氏養葬盡心取姪朝鈞爲嗣現年五十一歲

王文魁妻張氏于歸二載夫亡無子家貧甚孀姑年老之死靡他紡績事姑奉養不懈以二歲姪振坤爲嗣恩勤齟齬爲人所難焉

閔來慶妻趙氏年十九于歸夫患足疾殊劇氏侍湯藥不避污穢夫歿矢志不二取曾爲嗣來慶二兄已析居相繼死氏獨事姑殯葬經營如禮曾多病五歲始能行氏鞠育辛苦成立督課甚嚴曾今補弟子員氏年六十

三歲守節三十六年

韓思義妻辛氏二十五歲夫歿剪髮自誓撫遺孤英十
七歲爲娶婦生孫四年子婦相繼死遺孫十三歲又天
家無寸土單煢一身堅節更凜饑寒交迫獨處一室者
九年乾隆五十一年含淚而死鄉里語及其事輒相與
悲涕

武金相妻李氏二十夫歿事翁姑以孝委曲承歡夫弟
相繼歿親殯葬皆氏獨仔肩教嗣子桐以嚴尤能周困
乏鄉鄰有不能舉喪者助以財不計償現年五十二歲
守節三十二年

張氏二十三歲夫歿矢志守節事翁姑嫻婦道
教子來章能讀書救災卹貧鄉黨稱之三十三年跬步
不出閨門鄉人以爲女宗

辛朝仕妻楊氏年十五歸辛姑已歿事兩世舅姑咸得
歡心後與夫皆歿氏連舉六喪姑歿時遺幼弟數月氏
專乳之以他物餌其方週子不使分漣汗幼弟成立氏
竭紡織爲娶婦而已子尙未授室家貧嬰危運四十三
年艱難委曲以完大事爲人所罕見

王建妻于氏二十歲夫歿無子取夫弟淵子俊儒爲嗣
愛之如已出姑底氏孀且老氏事之曲盡孝道待姊妹

雍睦歷六十年如一日云

康燿妻崔氏二十歲夫歿矢志取姪爲嗣姑失明三十餘年倚氏爲命奉甘佐餒得終天年舅壽亦至耄耋現年六十歲守節四十年

郭魁妻程氏二十四歲夫歿守志靡他遭家不造患難頻仍電光石火中冰操凜然忍侮含辛吃不爲動人欽其節而憐之撫金城爲嗣入庠現年五十八歲

戴夢魁妻裴氏二十四歲夫歿氏夫兄弟五人因家貧多逃外餬口以織紡上事尊章下撫遺息苦節終始不現年六十八歲

劉振春妻王氏夫亡無子家赤貧孀姑在堂氏服勞奉養三十年其後饋粥皆缺嘗數日餓族人憐之爲助資取室姪爲嗣現年五十一歲

劉振泰妻杜氏于歸五載舅姑亡夫歿取繼兩次俱殤零丁孤苦百折不撓現年六十一歲今所取嗣方數歲楊承受妻張氏夫亡姑舅在堂子尙幼氏疏水承歡以義方教子今已成立現年五十三歲

劉煥妻任氏二十二歲夫亡守節遺子海鰲海淮理家勤苦嚴以督子鰲成名年六十六歲

李灝妻李氏夫歿親衰氏夫三弟俱幼子又僅數月氏

仰事俯育積勞擘畫俾皆成立雖老不怠六十三歲卒
薛文林妻李氏年二十六夫歿無子家道坎坷氏矢志
守節事舅姑畧無異言現年六十三歲

薛文成妻楊氏年二十夫歿志行孤苦事舅姑無間言
撫繼子備極艱辛現年六十二歲

高思正妻郝氏十九歲夫歿青年銳志守節紡績度日
足不踰閭撫嗣成立現年六十四歲

陳方苞妻武氏二十五歲夫歿家產蕭條芳徽自矢年
六十三歲而歿

劉斯焯妻李氏二十二歲夫歿撫嗣子亮節獨操鞠養
現年五十二歲

儒童師雲章妻秦氏十九歲夫歿以頭觸柱欲徇為姑
勸阻乃立姪為嗣奉姑盡禮撫子成立守節三十八年

監生張允瑞妻李氏二十八歲夫歿守節不二好善樂
施康熙六十年邑饑氏率家人甘粗糲以所儲糧散鄰

里全活甚眾邑令孔傳熹旌其門

袁登朝妻張氏十九歲夫歿矢志守節撫姪為嗣舅姑
歿殯葬事畢歸舍自縊死邑令朱續志旌其門

秦宗顏妻宋氏二十一歲夫歿立姪琚為嗣事姑撫幼
艱苦備嘗琚聘婦生子正偕而琚之婦又歿氏復撫孫

爲聘孫婦生子鑄正偕夫婦又歿氏鞠鑄成立一身撫孤三世苦節五十七年教諭蕭雲漢旌其門

監生師桂妻李氏二十八歲夫歿事姑撫幼子操作辛勤苦節四十年

秦宗游妻馬氏二十五歲夫歿撫姪珩爲嗣訓子成立入太學學使邵洪旌其門

郭晏妻馬氏二十八歲夫亡遺嗣玉女甫週家貧以織紵爲業養姑撫幼守節四十餘年現年七十五歲

秦頌妻馬氏二十歲夫歿遺嗣三月撫姪爲嗣姑歿事舅備盡孝道守節三十年

張若珍妻姬氏二十六歲夫歿遺子甫三齡氏撫孤成立爲聘婦生孫子又歿氏撫孤成立守節三十餘年

傅聖劉啟祥妻王氏年二十八歲夫歿事舅姑盡孝親操家政不以煩老人教子介成名爲娶程氏相繼歿遺

弱息光被又鞠養之爲娶宋氏光被亦亡氏已衰老日偕孫婦訓督二孤長崇偉業俾無墜先業年八十以壽終崇入太學偉業辛卯登賢書學使劉種之旌其門

劉繼統妻劉氏二十七歲夫歿取柄樞承嗣氏事親撫孤孝慈兼至柄樞列上庠邑令顧世珖旌其門

韓三畏妻王氏年二十四歲夫歿以姪來復爲嗣恩養

如已出事舅姑以孝聞現年五十八歲守節三十五年
 劉崙妻王氏年二十三歲夫故遺孤僅三歲家徒四壁
 布衣蔬食紡績晝夜不輟撫孤成立守節近三十餘年
 儒童劉光祖妻陳氏年十九歲夫歿絕粒三日念身有
 孕倘生男尚可延劉氏一脉遂飲食如故閱五月遺腹
 子巍撫之九歲氏病故年二十八歲

喬如矢妻王氏二十七歲夫歿誓以死守遺腹生男際
 泰氏紡績撫孤際泰成名守節三十三年而卒

薛雷妻喬氏年二十三歲夫歿氏矢志不二取姪鍾常
 為嗣甘於貧窶紡績度歲今已逾三十年稱完節焉

潘氏上事舅姑下撫孤雛飲水茹藥倍極艱辛現年
 七十八歲守節五十一年

喬興宅妻段氏年二十四而夫亡以姪喜祥為嗣教誨
 成立現年八十歲守節五十六年

張觀宗妻喬氏年二十九夫歿家業蕭條無子女取姪
 柄柯為嗣紡績以教現今六十一歲守節三十二年

高申妻傅氏年二十九夫歿無子撫堂姪繼先為嗣得
 成名現年八十歲守節五十一年

高合妻李氏年二十三歲夫歿無子撫姪興先為嗣現

年六十五歲守節三十二年

喬興孝妻戴氏年二十七歲夫歿子太白甫四歲饗殮不繼倍嘗艱辛年八十八歲卒守節六十一年

張希顏妻傅氏年二十三歲夫故無子家貧以紡績孝事舅姑夫弟有匱乏時輒以資助之無德色族鄰數議呈請旌氏以節孝為婦道之常力阻其事時稱其賢現年六十有六

生員張竹林妻李氏年二十七夫故堅操自矢足不踰閭勤儉持家訓子嚴肅守節三十七年歿

州吏目張世德妻王氏子歸時翁姑歿遺孀姑氏事之

少遠邑令朱修志乘閒館其家氏佐夫力為經理

唐厨漏數月無倦志成夫病故氏時年二十六有六邑令

命族長於子姪中擇醇謹者為繼守志十二年而卒

儒童張兆祥妻武氏郎中武紹周孫女十九歲夫故氏

矢志冰霜堅節愈厲上事尊章能得歡心翁患病氏奉

侍湯藥夜不解衣姑深夜坐聞戶外若有人聲出視之

乃武氏為翁虔禱也取嗣子以承宗祧今年五十歲守

節三十一年

李廣儒妻程氏二十五歲夫歿翁姑咸倚為養氏勤儉持家產日以饒助周卹以成翁姑之名撫姪法堯為嗣

成立克家守志四十五年卒

儒童呂懋妻王氏年二十三夫歿遺孀姑二妹及二幼女遭水災薄田沙壅歉收氏晝夜紡績供姑遣嫁妹及女資奩如一屢遭奇荒忍饑寒延喘不售祖遺產屋撫兄子爲嗣守節三十一年現年五十四歲

田世俊妻尙氏十八歲夫歿舅姑視尙氏年艾諭其改醮氏截髮自誓奉舅姑盡孝道家貧殯葬之禮罔缺現年六十三歲守節四十五年

李學曾妻牛氏十八歲夫歿貞操自矢事舅姑盡禮姑以恩子歿氏鬻奩具爲舅娶繼姑生三子未幾舅亦歿

一寶妻曲氏十八夫歿芳年矢志遭姑喪哀毀過甚

臥病累年不愈念舅乏養勸娶繼姑以病身紡績侍奉撫弱嗣鞠養成入現年五十一守節三十三年

李淞妻鄭氏二十三歲夫故紡織鍼紉以奉舅姑家貧經營殯葬咸如禮教子法曾規矩嚴肅不許妄出入得入庠年五十四卒守節三十一年

增生趙夢熊妻劉氏年十六于歸家貧氏晝夜績紡以供朝夕俾夫專心詩書夫故氏年二十五姑病顛天願減已算姑尋愈姑又病目視佛願終身茹素姑目亦愈

終身不肉食教子世簪爲諸生守節三十四年現年五十九歲督學劉種之旌其門

張有仁妻齊氏二十五歲夫故矢志靡他守節奉事兩世舅姑皆助織紉雖薄田破屋風雨飄搖專意訓子成立現年六十歲守節三十五年

曹善宗妻楊氏二十夫故翁姑衰病兩孤在襁褓氏百方調護能體親心克襄大事教子有方守節六十五年卒年八十五歲

潘兆鰲妻楊氏二十六歲夫歿病姑在氏承歡膝下茹葬盡禮無孤成立現年六十六歲苦節四十年

潘含文妻張氏十八歲夫歿氏恐死守志紡績事親訓二幼姑女紅及時遣嫁以姪際南爲嗣教以義方終身不見笑容鄉里敬憚之守節三十一年而卒

儒童郭滿妻王氏二十一歲夫歿遺一女取侄守實爲嗣績紡經營事姑嫜盡孝訓子教女有方現年六十三歲守節四十二年

呂卜衿妻武氏二十三歲夫歿遺子明幼氏志凜冰霜竭力紡績奉老撫孤雖屢被災患無嗟歎聲年七十七歲卒守節五十四年

童生臧居泰妻王氏年二十六夫歿以貞操自矢取姪

久長爲嗣事親孝謹撫孤成立邑令王煊旌其門現年六十二歲守節三十六年

趙有文妻程氏三十歲夫歿孀姑哀痛成痿痺盥櫛扶掖皆氏任其勞紡績以供滌澆貧不能舉喪率孤在勤儉積儲家漸以豐迺大營窀穸會葬者咸榮之年七十而終

生員武卜纏妻王氏二十七歲夫歿矢志懷清貧不能自給而養膳必豐喪祭必慎撫孤青陽成立現年六十七歲守節三十四年

吏目張德富妻潘氏性淑慧能讀書曉大義舅歿姑主其居祖姑蘭氏生祖姑王氏皆垂老歲游饑服勤竭力甘旨罔缺生祖姑年逾七十篤病三十餘年氏代盥梳濯褰膾以慰姑心後家稍豐而老親皆不逮見鮮食輒心痛流涕遂終身茹素卒年七十三子同梁恩貢同麟同彪同心同升有聲庠序

陳琇妻邵氏二十七歲夫故遺孤自來方幼氏與孀姑劉紡績度日慈孝可風年五十四歲卒
智克爵妻齊氏年二十二歲夫歿嗣姪酉爲娶婦酉又歿遺腹孫五常代事老親撫孀婦抱乳雛倍力艱難迄無異志卒年五十三

武自成妻劉氏年十七于歸夫已病革旋卒姑見其少
給之嫁氏以死自誓嗣子德緒以罪配杭州家中落或
又勸之嫁氏泣曰嫁則武氏絕矣葬舅姑後子身獨居
者數十年後德緒逢恩赦歸里卒延武氏祧家稍稍
起氏年六十餘猶神明不衰洵苦節得亨云

宋鑑妻郭氏年二十六歲夫歿撫繼子繼周成立邑令
羅德旌其門

張復來妻高氏年二十六夫歿家故貧氏茹苦守貞教
其子夢書成立現年七十六歲

楊國柄妻田氏年二十一夫歿繼曉塢數畝氏率其繼
子堪以耕紡績不倦現年六十九歲

高允福妻智氏年二十四夫故矢節峻厲事親柔順撫
孤辛勤現年五十六歲

張克顯妻呂氏年二十歲夫歿矢志完節事姑至孝以
撫孤成名五十六歲卒守節三十年

武宗泗妻王氏二十五歲夫歿子灼幼家貧二鬴不給
氏以紡績度日上事翁姑下撫孤子守節三十七年現
年六十二歲

陳鳳翔妻張氏二十歲夫歿孝事老姑飼以甘旨勿逆
勿怠已安粗糲鞠成孤子守節二十四年卒人咸惜之

李廷議妻郭氏二十一歲夫故氏矢志靡他奉親撫孤年七十六卒守節五十五年

齊士觀妻馬氏二十二歲夫故上事翁姑以孝下撫孤子以慈五十二年白首完貞現年七十有四

吳倫妻關氏二十九歲夫故雙親老病二孤弱小氏矢志全貞四十年孝慈兼著以勞獲壽

王登節妻姬氏二十七歲夫故翁亦故事姑二十餘年姑亦故現年七十有二立嗣承繼守節已四十五年

齊士德妻尚氏二十七歲夫故撫孤子守義成立現在六十有三歲守節已三十六年

馬應祥妻趙氏二十七歲夫歿兩世舅姑在堂子天福尙幼氏嚙指盟心矢死無二晝夜織紡竭力養葬子亦成立守節三十五年卒

呂士行妻李氏十八歲夫故遺一子甫歲餘紡績爲生以奉病舅姑始終罔懈教子成立邑令顧世瑛旌其門

馬永緒妻楊氏年二十一歲夫歿奉親訓孤不避艱險守節三十餘年

馬會龍妻蘭氏年二十歲夫歿誓志教子馬有威慈嚴兼至入府庠守節四十六年

馬化龍妻楊氏年二十二歲夫故遺子永寧鞠養成名

守節三十年教諭其枝旌其門

張廣德妻孫氏年二十一歲夫歿奉親撫孤備嘗艱辛守節四十餘年

張二閣妻方氏十九歲夫歿米操自厲屹然不搖守節四十餘年邑令屢旌其門

孝婦焦廷甲妻張氏于歸時姑早逝遺三幼女一子甫週氏撫養如已出教三女女紅嫁時分已奩以贈毫無德色年饑夫歿於外舅年七十嬰膈疾將不起氏籲神割股以療舅疾立愈後聞其事輒悲痛不已

董生董時和妻郭氏二十二歲夫歿遺三孤幼老志堅

其狀報抑搔饋食盥滌朝夕罔懈二孤皆成立守節三

十一年現年五十三歲

王和妻閻氏二十歲夫歿以襁褓姪為嗣兼乳之備嘗荼苦咸得成立守節四十四年現年六十四歲

董堯妻李氏二十七歲夫歿遺子三歲女數月父母欲奪其志氏揮刃斷一指以誓姑日雙瞽晝夜侍奉勤紡績以供膳務得歡心帶首完貞七十三歲而歿

張嘉賓妻宋氏二十五歲夫歿遺孤蘭芳事雙親盡孝教子義方守節三十三年現年五十七歲

壽婦太學生董司直母李氏年一百零三歲康彊不衰

勤儉持家紡績以教閨訓肅然邑令王垂絡旌其門
重成器妻張氏二十五歲夫歿矢志潔清茹荼啜菽毫
無怨悔苦節四十年撫子成立

李紹香妻張氏二十二歲夫故刻意厲行勤於操作育
子延祧守節三十八年現年六十歲

孫雲行妻文氏二十三歲姑寡夫又歿遺雛呱呱慷慨
矢操孝以奉姑持家訓子守節四十一年

曲殿甲妻王氏二十一歲夫故矢志冰霜者三十年其
事繼姑委曲承順得其歡心族鄰奉爲女宗焉

李丕基妻魏氏二十歲夫故鉛華不御積勞恐貧以養
其姑苦節三十一年子亦成立

黃自貴妻王氏十九歲遭逢坎坷百折不回子文燦早
亡又撫一孫以延宗祧現年六十二歲

曲完倉妻楊氏二十三歲夫故子幼舅姑先逝遺夫弟
二人俱未毀齒氏視之如已出咸娶妻生子

齊璞妻王氏二十四歲夫故遺孤二人貧窶不能自存
志操彌厲四十六年卒屹然稱完節焉

張自榮妻王氏二十四歲夫亡遺子登甲甫四歲家計
寒薄晝夜織紡以事舅姑勤撫孤子艱辛備嘗矢志靡

他氏現年七十九歲守節五十五年

庠生劉福元繼室陳氏年二十二歲夫故子楨甫一歲誓死守志事舅姑盡色養鞠育幼孤成立訓子孫嚴肅能昌先業年八十一歲以壽終守節六十年

張朴妻潘氏十八于歸姑有脫疾每展轉床褥氏侍湯藥奉盤匱不歸私室者十餘年姑竟以瘞姑語人常流涕曰非吾婦老骨早朽矣聞者酸鼻卒年八十有一歲董秉直妻袁氏年二十五寡遺腹生梓節操凌厲嚴峻無笑容事舅姑色養兼至訓子有方孫皆成名守節四十八年卒年七十三歲

張繼尊妻楊氏年十九于歸夫亡家無薄產賴一身支撐撫孤成立苦節五十一年卒年六十有九

宋洛妻王氏年二十七夫故親老子幼氏誓代子職事舅姑撫孤子成立苦節三十八年

王敷治妻段氏二十四歲夫亡矢志孝事孀姑男女孤苦無依氏承養成立建都入太學守節四十年

李朝旺妻姬氏十九歲夫故守節四十四年取姪溫爲嗣訓以義方現年六十三歲

李朝會妻姬氏二十四歲夫故守節四十四年孝慈兼著現年六十八歲

庠生曲壯圖妻段氏二十三夫歿撫嗣子星紡績訓課

補邑弟子員守節三十五年

儒童田世楷妻呂氏二十七夫故取姪泰來為嗣氏仰體舅姑意視若已出與孀姊劉氏同心撫養從無間言守節四十三年卒

劉洪禮妻鄭氏二十三歲夫歿矢志靡他家奇貧以菽水養翁姑更勤儉自勵創微業取繼承桃邑令楊發智旌其門守節五十八年現八旬

牛龍甲妻呂氏二十五夫故遺一子甫二歲家業彫零氏晝夜紡績奉事老姑無一言稍拂其意殫殫盡禮自安儉樸教子義方守節三十二載現年五十六歲

李六德妻郭氏二十五夫故家貧歲歉勤女紅以教子守節三十三年

儒童趙麟吉妻尙氏二十三歲夫歿祖姑暨舅姑在二孤尙幼氏矢志靡他仰事俯育世明補弟子員首瀛食饑於庠享壽六十五歲守節四十二年

張起峻妻石氏十九夫故遺孤在襁褓氏剪髮自誓事舅姑以孝歿當荒歲殯葬不缺教子成立邑令朱續志旌其門享壽六十四歲守節四十六年

崔登舜妻尙氏夫故遺子可臣甫一歲時尊章衰老曲意承顏已甘麓糲有堂嫂病故遺二姪俱幼尙氏百方

鞠養視若已出守節五十年卒

張廣成妻曲氏十八于歸順事祖舅姑得頤養登大耋事舅姑亦以孝殯葬俱氏隻手經營之子三教以義方俱各成立長蘭入太學現年八十二歲

監生姬廷琮妻郭氏二十歲夫歿姑嫜衰老盡瘁以養孤承泰甫二歲氏備歷荼苦教訓有方承泰庚子副榜山西直隸州州判卒年五十二歲守節三十一年

壽婦李世爵妻孫氏歷事三世翁姑康熙六十年歲遭大荒氏勤織紡供甘旨舅晚年患風疾晝夜侍湯藥十餘年無難色佐世爵持家尤嚴肅有法子孫俱成名年一百一歲五世一堂洵懿孝之報云

儒童張文妻喻氏年二十八歲夫亡家貧無子氏堅矢清操事舅姑以孝聞鞠孤成立守節四十七年

義婦監生妣廷實妻劉氏年十七于歸時廷實承繼叔祖家雖貧乏氏佐之兼事兩門無惰容後生計稍裕廷實素有義聲好施予氏能襄以大義流民饑餓幾死者給衣食以送之所買童僕皆歸其家四十三年歲饑丐踵門氏皆以錢米給之曰吾寧縮食幸少濟饑者享壽九十四歲郡守施誠旌其門

儒童丁崱妻程氏年二十于歸越三載氏夫物故遺一

子未彌月氏峻節自持誓不他適勤績紡以事舅姑教子義方現年六十歲守節三十七載

王振隆妻山氏二十七歲夫故遺一子僅三歲家貧氏以織紡奉事翁姑殯葬如禮教子成立乾隆五十三年卒守節四十年

儒童袁希舜妻馬氏二十一歲夫歿子紳方在襁矢誓自守族婦憐其貧又少勸他適氏抱子大詬曰再辱我者必自刎其頭人不敢再言事親孝又能持門戶嚴訓子孫卒年六十二歲苦節四十一載

張經邦妻丁氏二十九歲夫故氏矢志守節家屢空以紅所得奉舅姑膳皓首完貞現年九十二歲

生員薛思堯妻郭氏夫故舅姑憐氏命薄不欲任以勞氏安貧茹苦出自天性鞠孤以慰親心現年六十九歲王良弼妻劉氏年十六于歸椎髻操作奉事老姑牛氏最孝二十八歲夫歿遺孤三氏躬勤織紡撫養成立備嘗艱辛守節五十五載現年八十三歲

王仁溢妻張氏二十七歲夫故守節四十五年事舅姑撫遺孤謀窀穸營嫁娶夫家貧窶終身自食其力

李思茂妻王氏年二十五歲夫故守節懷抱縶子篝燈寵觚時聞軒車聲壽至九十餘歲邑令繆說曾旌其門

薛三仁妻李氏年二十五歲夫亡氏事舅姑撫孤子躬
勞瘁後九年子又亡氏懼傷舅姑心左右承歡益加謹
焉姑舅相繼歿營辦殮事無不盡禮現年六十有一
王兆慶妻齊氏二十八歲夫歿奉事病舅老姑撫育孤
子備嘗勞瘁苦節三十九載現年六十七歲

段一虔妻胡氏年二十七夫亡取繼立後性孝順遵婦
道寂處閨幃罕與人接見守節三十餘年

左宗武妻段氏年二十夫歿無子取繼成德扶養成立
孤苦貧窮守節四十餘年

段梧茂妻郭氏年二十二夫歿事舅姑盡婦職葬祭以
禮姑姊貧置產以贍之撫幼成立守節三十三年卒

段濟厥妻蕭氏年二十三夫歿撫幼子善奉翁姑執親
之喪勤力不倦守節五十年

段鏘妻耿氏年二十七夫歿無子取繼宗武順于翁姑
和于室人舉家無間言守節三十年

胡廷祥妻段氏年二十八夫歿民事姑盡孝姑亡躬親
喪事不倦教諸孤以義方子戊申成名守節三十四年

段朱妻王氏年二十二孀居無子孤貧窮苦值荒歲自
勤紡績矢志不二守節三十六年

郭衛城妻段氏幼讀論語女經通大義事舅姑閨內無

間言性嚴正教諸子勤學力耕長萬環丙午科舉人年七十卒

段漢輅妻楊氏年二十八夫故家貧紡績度日守節四十二年

張餘慶妻郭氏年十九夫故誓以死殉顧念舅姑年老忍苦矢志家故貧晝夜紡績手皆皸坼撫繼子岱立苦節四十三年卒

段生毫妻魏氏年二十二孀居無子取姪拔扶養成守節四十餘年

生員田世芳妻劉氏年二十八夫故氏以慈兼嚴教二子成立守節四十八年孫嘉樞邑增生員

段永妻邱氏年二十歲夫歿零丁孤苦遇饑歲勤力自給志節無挫守節四十八年

于君佑妻鄭氏年二十一夫故姑孀且病朝夕服勤不離膝下時以柔滑進守節三十一年

段濟祥妻李氏年二十二孀居事舅姑養諸幼守節四十二年

劉重新妻王氏年二十七夫故姑孀居年老子幼氏以一身事親撫孤守志三十五年現年六十二歲

段純樹妻邱氏年二十二孀居矢志永貞愈久愈厲守

節三十年

牛鼎祚妻蔣氏二十五歲夫故遺子三歲矢志守節奉親撫孤年四十五卒

秦永智妻溫氏二十三歲遺子可會家貧氏紡績度日孝事舅姑鞠育弱子艱苦備嘗卒年七十八歲

李樂善妻葉氏二十四歲夫亡遺子定僅二歲氏事孀姑畜弱子矢志靡他卒年八十一歲

儒童張廷琮妻任氏義門任天篤之女二十一歲孀居遺孤未週氏賦性幽貞矢志堅卓事翁姑敬供朝夕撫

孤成立現年五十六歲羣欽任氏家教焉

真姑孝撫孤成立歿年八十四

監生楊朝卿妻姬氏二十八夫歿紡績度日事姑撫孤辛苦備嘗守節三十六年

儒童姬祚昌妻張氏十九歲夫歿翁姑癯疾事之和氣愉色觀者起敬勤儉育孤苦節三十餘年

王町妻孫氏十八歲町歿芳年矢志百折不撓事翁姑撫弱子三十餘年備歷坎坷其節益厲

張克寬妻王氏年二十歲夫故撫幼子成立守節四十餘年

邱言妻張氏青年夫歿節承貞已三十餘年

儒童仝炳妻任氏任氏爲邑義門家訓嚴肅婦女咸禮教自持能守冰操女出嫁者或不終所天亦誓死靡他氏二十三歲夫故奉舅姑孝喪葬合禮夫弟方六歲已惟幼女熒熒子立支措門戶黽勉有無各成家室現年五十三歲雖天性貞潔亦恪遵姆範云

任友敬妻段氏年二十四夫歿僅遺一子尋又亡願潔操保貞苦節三十餘年

關文耀妻王氏二十夫歿僅遺女雛勵志冰霜矢死無他現年五十二歲

文士英妻劉氏二十五歲夫歿冰操克堅養生送死咸盡孝道撫子道立成立現年五十九歲

張鑑妻楊氏二十四夫故事孀姑以孝菽水承歡姑以壽終子五朝成立苦節四十三年卒

魏良松妻郭氏二十五歲夫歿撫二幼子奉孀姑服勤就養家計蕭然安之若素年七十卒守節四十五年

楊俊妻張氏二十一歲夫歿孝事舅姑殯葬如禮撫孤子芳貞成立年五十五歲卒

劉俊妻王氏二十三歲夫歿舅姑皆病晝夜衣帶不解殯葬成禮膝下僅有二女現年六十七歲

石恪妻岳氏二十七歲夫歿育數月孤合葬舅姑備嘗
荼苦紡績撫孤得成立現年七十有八

楊芳珍妻張氏年二十五歲夫歿貞操自矢饑饉不繼
處之怡然以侄中祥為嗣現年六十二歲

儒童褚允年妻周氏二十七歲夫歿姑嫜衰老孤君錫
四歲仰事俯育備嘗荼苦子成名現年七十有九

儒童褚巖妻趙氏年三十夫歿育三月孤世第舅姑生
事葬祭皆得所現年六十有四

蕭雲從妻李氏二十六歲夫故子永茂甫三歲姑患病
四載奉侍罔懈姑亡舅復病劇事之如姑舅得痊壽至

今八十一歲子亦成立氏現年六十有三
全儒魁妻劉氏二十二夫歿遺腹生子紡績奉親喪葬
無缺禮子長生成立六十七而卒

馬進道妻董氏二十二歲夫亡姑早逝遺夫弟方十歲
家貧甚氏以績紡事翁為夫弟成室撫繼成立里人稱

賢孝焉現年五十八歲守節三十六年
王絨妻劉氏十八于歸越二年夫歿於外家中日不舉

火生子甫一歲舅歿姑老有勸改適者氏誓死以拒矢
志守義上奉老姑下撫孤子苦節四十年現年六十歲

儒童姬森妻胡氏二十三歲夫歿事老舅姑撫嗣子更

爲夫弟撫孤子成立守節四十八年卒

丁法堯妻陳氏二十五歲夫歿翁姑言試之氏指天號泣血淚交噴事親撫幼迄今六十年猶在稱完節焉

王輔世妻劉氏二十六歲舅姑逝夫亦沒遺孤止二歲氏飄搖風雨中鞠子恩勤苦節五十九年卒

孝婦廩生鄭鵬妻李氏孝事翁姑佐鵬色養其翁患篤瘵迫不起氏割股啖之病迺痊各享遐齡氏卒年五十五歲

義婦柳福壽母焦氏事舅姑孝助夫以義夫歿督諸子持身以正尤輕財好施二十六年洛水大漲沿村廬舍

盡圮氏命子太學生福壽等經營安集賴以存者數百家四十六年大饑出銀錢粟米量戶酌給里人得免化離邑令湯毓倬旌其門

儒童袁峭妻齊氏二十四歲夫歿哭哭無依氏竭力女紅奉事老親教孤子來舜成立邑令張超遠旌其門卒年八十六歲苦節六十二載

宋愷妻邵氏二十八歲夫故以姪國本爲嗣氏姪失父母無依氏亦養教如己子姪病故遺姪孫氏又鞠養咸得成立守節四十五年卒

王作杰妻郭氏二十一歲夫故門衰祚薄氏矢志靡他

恤綿以勤養膳取姪大來承嗣守節四十九年

張彩雲妻杜氏二十四歲夫故孝敬姑嫜養葬盡禮現

年七十七歲守節五十三年

王從龍妻劉氏二十八歲夫故壘以持家事翁姑下撫

幼子孝慈兼盡守節三十三年卒

袁祖舜妻趙氏二十六歲夫亡家計蕭條氏恤綿上奉

舅姑下育幼子守節四十二年卒

張學顏妻劉氏十九歲夫亡氏志操冰清克知大義事

舅姑孝撫繼子慈嚴備至現年五十六歲

張紹朱妻陳氏二十二歲夫亡事孀姑孝葬祭盡禮

四歲 節三十二年現年五十

田松如妻蘭氏二十五夫亡堂上上年逾七旬氏代子職

曲盡孝道訓子成南成名乾隆三年河南學政張考旌

其門守節三十七年卒

蔣應會妻張氏年二十三歲夫歿姑逝舅已癯老氏辛

勤待奉十餘年紡績成家育嗣子大中訓以義方大中

中武科守節三十三年現年五十六歲

監生袁發身妻劉氏年二十夫亡子承舜尚幼氏矢志

冰霜撫孤成立完節五十七載邑令顧世秘旌其門

連珍妻崔氏二十二夫故遺子方五歲氏矢志守節事翁姑終不怠子亦成立年七十五歲卒

陳廷舉妻寇氏夫二十八歲服賈四方四十餘年無音耗氏獨守寒燈績筐軒車以謀甘旨養葬大事皆氏仔肩現年七十二歲而夫亦竟不歸含辛以老育子成立邢文昂妻孫氏二十三歲而寡冰清白矢勁節不侈年八十五歲卒

陳建謨妻曲氏十九歲夫故身處艱危事親養葬無廢禮士毅爲嗣守節五十八年

梁克明妻高氏二十二歲夫故壘以持家連舉大事撫育子成立守節三十年現年五十二歲

監生高天柱妻段氏二十四歲夫故奉姑盡孝教子以

義方成名守節四十五年現年六十九歲

蕭文成妻段氏二十四歲夫故事親撫孤現年五十九歲守節三十五年

曲振聲妻張氏二十一歲夫故遺腹生子電光石火中冰操彌堅守節三十年

蕭廣恩妻周氏二十四歲夫故守節五十年現年七十四歲教子成立

唐居敬妻張氏二十一夫歿孤延壽甫三月家貧或逼

之改適氏怒憤投井中幾死族人援之出數日方飲湯
水迺事親奉孤成立鍾祥縣知縣黃家甲旌其門現年
七十八歲

孝婦倪福州妻賈氏家奇貧夫歿舅老體不仁氏採野
蔬奉養後不能飲食茹氏乳三月餘而卒乾隆六年
里公舉孝婦邑令朱績志旌其門

王廷臣妻唐氏年二十六歲夫亡子甫一歲舅姑俱通
七旬歷經歲荒艱苦備嘗撫恤成立守節四十八年

張漢霖妻宋氏年二十七歲夫歿無子取姪引生爲嗣
孝事孀姑守節三十一年卒

劉潤霖妻鄭氏年二十五歲夫亡子甫五歲孝事孀姑
四十餘年始終如一義方訓子振家成名

鮑克明妻袁氏十九歲夫亡無子事孀姑盡孝姑卒又
奉事孀嬪義方訓子現年六十三歲守節四十四年

倪興儒妻陳氏十七歲夫亡家貧日不舉火事孀姑夙
夜勤勞氏伯兄友儒敬而憐之令同居共爨以子爲嗣
氏慈孝備至守節三十年

胡國珩妻白氏年十九夫亡舅姑相繼卒氏經營殯葬
合禮撫幼成立邑令顧世秘表其門現年六十八歲

張宏仁妻智氏年二十九歲夫亡舅姑皆七旬諸弟俱

幼氏上盡孝道下撫幼孤辛苦備嘗後其繼母欲奪其志氏以死誓乃得免現年八十二歲守節五十三年

王世祥妻張氏年二十二歲夫歿依兄嫂以居子全秋二歲家貧歲荒兄嫂欲嫁之氏齟面以誓遂析居僅田一畝耕績以育孤守節六十二年壽八十四而卒

朱毓桐妻李氏年二十五歲夫歿事親撫孤茶葉備嘗守節四十五年卒

張嘉爵妻朱氏夫歿年二十八歲子皆歸亂事庶姑如嫡姑紡績供甘旨撫二子成立守節四十四年卒

郭紹妻王氏二十歲夫亡矢志守節奉事孀姑乾隆四十二年河南府儒學劉湜旌其門

陳秉廉妻李氏年二十五歲夫亡躬紡織事孀姑育孤子艱苦備嘗現年五十五歲守節三十一年

張兆仙妻曹氏二十二歲夫亡依伯兄以居撫孤淳成立家貧操作矢志不懈現年六十二歲守節四十年

蘓世奇妻張氏二十一歲夫亡無子事七旬舅姑勤勞不倦撫孤子姪三人皆成立子因崗成名守節四十年李培元妻郭氏二十三歲夫亡無子善事舅姑終無異志取姪爲嗣乾隆四十二年縣令

張華妻車氏二十五歲夫亡姑早逝舅老且廢事之盡

孝撫孤存良成立現年六十七歲守節四十二年

蘊文元妻靳氏二十五歲夫亡無子取姪發為嗣孝事

祖舅朝夕罔懈乾隆四十九年卒

王朝舉妻喬氏二十九夫歿上事舅姑下撫兒婦備極

艱辛子皆成名孫林昇入庠現年八十六歲

閔信妻陳氏年十七夫亡單窮貧窶織帶以養舅姑者

二十二年跣步不出門年七十餘老不能自養遂餓死

張廷璣妻王氏年十九夫亡子幼家貧氏績綿奉姑年

饑姑憐之令改嫁氏齧指自誓六十餘無力謀嗣竟餓

死

之不從七日而死

丁超妻張氏二十六歲夫歿鞠子成名苦節三十四年

而卒

袁輝妻金氏二十歲夫歿鞠子成名守節今四十二年

李有節妻許氏年十九夫故遺孤學湯氏奉親教子躬

嘗荼苦守節六十五年卒

張大智妻李氏二十歲夫歿上奉姑下有孤息守節

四十有三年卒

郭金城妻端木氏年二十八夫歿守節五十二年年八

傳列女志

十以壽終

王逢元妻黃氏年十九夫歿善事舅姑撫子又亡氏勵操不渝守節五十六年

張彬宗妻張氏二十三夫故事舅姑能以孝聞撫孤成名苦節三十二年現年五十五歲

劉瑤生妻楊氏十九歲夫故以紡績奉姑守節三十一年邑令王垂絡旌其門

生員田世苞妻張氏年二十七夫故鞠養遺孤振甲教之成名守節四十九年現年七十六歲

張夢麟妻李氏二十五歲夫故撫孤廷咏為嗣教子成

孫文烈妻張氏二十六歲夫故家貧氏矢志堅忍勤績幼事孀姑撫弱息苦節三十六年現年六十二歲

李純祿妻張氏年二十夫故遭遇坎柯並無異志孝舅姑和妯娌睦鄉鄰撫嗣成立守節三十八年現年五十八歲

栗珣妻侯氏夫歿氏欲以殉苦守節今七十有三歲

監生臧延壽妻鄭氏其姑楊氏年二十二守節已載朱志中氏十七歲歸臧二十而寡孤又亡氏事孀姑盡

孝熒熒相依水清繼美今七十歲守節五十三年

張學友妻章氏二十二歲夫歿遺一子氏矢志不二勤紡織事舅姑盡孝喪葬合禮守節五十四年歿

立事翁姑以孝聞守節三十二年卒

孫文烈妻張氏二十六歲夫故家貧氏矢志堅忍勤績紡事孀姑撫弱息苦節三十六年現年六十二歲

李純祿妻張氏年二十夫故遭遇坎坷並無異志孝舅姑和妯娌睦鄉鄰撫嗣成立守節三十八年現年五十八歲

栗珣妻侯氏夫歿氏欲以殉苦志守節今七十有三歲監生臧延壽妻鄭氏其姑楊氏年二十二守節已載朱志中氏十七歲歸臧二十而寡遺孤又亡氏事孀姑盡孝熒熒相依冰清繼美今七十三歲守節五十三年

張學友妻章氏二十二歲夫歿遺一子氏矢志不二勤紡經事舅姑盡孝喪葬合禮守節五十四年歿

賢孝婦增生武仲妻張氏巡撫其平元孫女陽武司訓威女明敏曉大義舅吏部郎中紹周宦東流氏奉姑之任善適意旨姑患眼疾侍左右數十年不少離姑賴以安子三熙淳增生汝淳庠生嗣胞叔倬嘉淳廩膳生並有聲贊序

孝婦張氏巡撫其平元孫女陽武訓導威女縣丞韓烈顯次子監生桐繼室也讀女經過即成誦及造桐人皆稱賢孝姑丁氏江南人老年思家得病氏仰體意志盡人覓之姑尋愈教子甲辰孫廷乙咸好學脩邑誦能究古來金石文字

賢孝婦章氏張嗣曾妻性貞靜素知大義夫樂施與凡遇人窮窘者輒稱貸濟之至致困乏氏無怨言嘗績紡以事舅姑有不給即將簪珥鬻之以奉甘旨訖二子有義方長榮次興宗俱入邑庠

